

Mos organizam

CM L M A

Nòm:

Grop:

Fer a de besonh animar as sôns companhs deth brinhan entâ apréner deth relat dera senhora Remei e milhorar era situacion deth brinhan. Er ahèr ère complicat, mès possible.

Es millors amics de Fer volien ajudar-la en aqueth trebalh. Ère important eth trebalh en equipa entà profitar es qualitats de cada un d'eri.

- Qualitats? -se demanque en votz nauta Fer.

– Òc, toti auem qualitats, toti èm boni e regessem en bëth aspècte –li diguec sa mairia un còp s'auec desentortilhat es antenes.

– Mès, mairia, tu ves a Guit, a Labora e a Work apariant aquerò? –Fer vedie impossible recuperar era activitat deth brinhan damb eth sòn trebalh e eth des sòns tres amics.

– Abelha de pòga fe! E tant qu’ei possible! Auem de profitar es nòstres qualitats, melhorar-les ena mesura possibla e trebalhar en equipa, a mès, auem de voler milhorar. Ua bona equipa n’ei per barrejar es qualitats des sòns membres e per auer clars es sòns objectius... *Casillas arture eth penalti, gràcies as indicacions de Reina e Valdés. Passe a Capdevilla, qui ath madeish temps combine damb Xavi Alonso. Aguest passe a Xavi Hernández, qui despùs d’un tòc subtil combine damb Cesc. De prumèr tòc a Iniesta, s’interne ena aira, regatege, assistís a Pedro, dispare... pilota en pau! Eth refús arriba a Villa, “eth guaje” remat e qòòòòòòòòòò!!.*



En aquest cas, eth creuament d'antenes q estat fotbolistic.


Es dobles de Fer se comprenen se coneishem millor as sòns tres amics:

Guit ei un seductor, capable de véner gèu as esquimaus. Li agrade estar damb era gent, parlar, conquistar as abelhes reines de quinsevolh brinhon. Totun, es trebalhs repetitius e rutinaris non li agraden bric. Discotís e provòque continuament a Labora e a Work, que l'amenacen d'expulsar-lo deth brinhon se manque er aliment

Work ei ua abelha fòrça adreta, capabla d'apariar quinsevolh desperfècte, incansable constructora de cèlles e netejadora. Pòc amiga des relacions sociaus, li agrada trebalhar en interior deth brinhon e hèr quauques gessudes tà prats solitaris. Guit li hè a pèrder era paciència.

Labora ei ua abelha obrèra, com era sua amiga Work, encara que mès ordenada. Discutissen per pegueries, que s'aguestava gelea se met ací o delà, que s'eth pollèn des margalides ei mès gustós qu'eth des ròses, que s'eth nectar der an 2008 siguec de mès qualitat qu'eth nectar der an 2010.

Seguint es instruccions de sa mairia, Fer decidís amassar as sòns amics e explicar-les eth besonh de reflotar eth brinhon. Er inici dera reünion desanime a Fer.






– Èm ací amassades entà veir de cercar solucions que permeten recuperar era vitalitat deth brinhot...

Quan Fer començau era explicacion Guit la interrompe damb ua des sues idees:

- Rebrembi aquer dies que convidaua ara abelha reina a barar ath ritme dera musica. Aqueres melodies... Ua abelha volaua pera lum,lum,lum e era lum s'amortèc, s'amortèc. E era pruba Work siguec a escures e era pruba Work non podec volar.

Guit, com tostemp, profitaua quinsevolh oportunitat entà provocar a Work. Alavetz Work s'enlairaue entà acaçar a Guit, que tostemp se'n gessie d'esquivar-la. Labora, des de petita, ignoraua aqueres provocacions e Guit non la provocaue.

- Se vos platz, centrem-mos –didie Fer-. Eth Brinhot a passat d'auer problèmes d'aglomeracion a non superar era detzea de membres. Era reina, era mia mairia, era senhora Remei, acabe d'arribar d'ua convencion d'abelhes reines de diferenti brinhons de Catalunya en què s'a parlat des possibles causes: problèmes de contaminacion, problèmes d'organizacion des brinhons, deficiéncies ena gestion...



- Contaminacion, organizacion, gestion..., accion, hisson... De què parles? –De nau, Guit, indicaue un dubte que preocupaue tanben a Work e Labora. Era petita Fer, que comprenie aquera dificultat, prosseguic era explicacion:

- Es abelhes reines tarragonines e pirenencques indiquèren qu'auien escotat a parlar as sòns apicultors sus un possible problema de productes químics nocius entàs abelhes o de bèth autre tipe de contaminacion.

Després de heregar-se es pautes superiores en estomac, Fer expliquèc es causes qu'indiquèren era abelha reina dera Conca de Barberà e sa mairia ena reunió des Tèrras der Ebre.

– Era mia mairia e era abelha reina dera Conca de Barberà an explicat coma possible causa problèmes d'organizacion enes brinhons. Manca d'enteniment entre abelhes reines e abelhes guites, mala organizacion des abelhes obrères...

– Ah, tiòc! Organizacion! Ah, tiòc! Organizacion! –assentien, de nau, Work e Labora. Finaument, Fer parlèc de problemes de gestion.

– Quauques abelhes reines, es deth Ripollès e es dera Catalunya Centrau, tanben an avertit sus quauqui problèmes ena gestion. En concret, avertissen qu'era mèu non se ven com les agradarie as clients, que non se pòrten correcçament es compdes de funcionament deth brinhot, qu'er emmagazinatge non ei adequat...

Alavetz Labora tornèc a discutir damb Work e se culpaue des problèmes de gestion.



Ja t'ac didia jo que non emmagazinam ben, qu'es blòcs de cera se meten ena dreta!
–li didie Labora a Work.

– Non discutísquetz, aguest non ei eth camin, auem de formar ua equipa que permete milhorar eth funcionament deth brinhot. Era prumèra causa que haram serà organizar-mos e despùs ja començaram a gestionar eth brinhot.

Fer de seguida se i metec e comencèc a assignar es trebalhs a cada un des sòns amics:

– Guit, tu visitaràs es lòcs a on se comercialize era mèu, era gelea reiau, era cera e quinsevolh producte o servici relacionat damb es brinhons. A mès, t'encuedaràs d'ajudar ara senhora Api a véner es productes que produsiram en brinhot.

– Labora, tu analisaràs era gestion deth brinhot entà observar a on i a es errors e entà plantejar naues estratègies. T'encuedaràs de portar es compdes e de controllar eth magazin.

– Work, tu seràs era responsabla dera produccion. A mès, auràs de milhorar era tua relacion damb Guit e Labora perque auetz d'intercambiar informacion sus aquerò que vòlen es clients, es aufertes des fornidores, es còsti de produccion dera mèu...

Guit demanèc quin trebalh desenvoloparie Fer. Fer responc:

– Serè era gerenta deth brinhot.

– Gerenta? –demanèc Labora.

– Eth trebalh dera abelha gerenta ei coordinar toti es membres deth brinhot. Ei a díder, dirigir eth vòste trebalh. A mès, compdarà damb era ajuda dera senhora Remei que me transmeterà informacion clau basada ena sua experiéncia.

VOCABULARI E EXPRESSIONS

Subtil: delicat, fin, enginhós, doç, precís.


Ignorar: non auer en compde, non hèr-ne cas.

Rutinària: acció que se hè tostemp dera madeisha manèra.

Còst de produccion: es sòs que còste a ua empresa produsir un producte que vò véner.

Clients: personnes, empreses o d'autres entitats que crompen un producte o servici a ua empresa que les auferís; per exemple, nosati èm clients dera panaderia perque i crompam eth pan.

Fornidores: personnes o empreses que venen ara empresa es sòns recorsi; per exemple, era fabrica de haria ei fornidora deth horn de pan.



1 AUEM CURIOSITAT 

1. Fer mos parle des productes que se produsissen en brinhan e que podem cromprar enes botigues. Investigatz e hètz un listat de tres d'aqueri productes. Explicatz brèument entà qué servís cada un e com se comercializén.

2 DESENTORTILHANT ES ANTENES DERA SENHORA REMEI 

Era Senhora Remei a tornat a crotzar es suas antenes, era interferéncia a portat tath sòn relat era narracion deth gòl d'Iiesta e es bones arturades deth portèr Casillas en Mondiau de Sud-africa deth 2010. S'a parlat fòrça deth bon grop que formauen es gojats dera selecció.

Enes istòries de diboishi animats o enes condes, trobam boni exemples de trebalh en equipa. Vos proposam diuèrsi passatges entà compréner melhor era importància deth trebalh en equipa: Toy Story, Cercant a Nemo, es bèsties qu'ajudauen a Cendrosa a vestir-se...

1. Escriu un avantatge e un inconvenient de trabalhar en equipa:

AVANTATGE

INCONVENIENT

3 EN EISHAME

1. Pensatz situacions en qué se veiguen es avantatges de trebalhar en grop qu'auetz anotat ena activitat anteriora. Teatralizatz aguestes situacions e capturatz en imatges era vòsta representacion. Despùs hètz un collage a on se veiguen es beneficis de trebalhar en equipa.

2. Rebrembatz es possibles problèmes e solucions acordades entre toti quan parlàuem de com solucionar es problèmes en brinhan (Blòc 1. Unitat 1)?

Se corresponen es vòstes ipòtesis damb es explicacions dera senhora Remei?

4 GESTIONEM ERA NÒSTA EMPRESA

Imitant a Fer e es sòns amics ara ora de gestionar eth brinhan, sajaram de montar ua empresa seguint es sòns passi. En cada un des rèptes artenheram un objectiu.

En grop, escuelhetz eth type d'empresa que voletz crear. Auetz de trigar era vòsta empresa partint des besonhs qu'a era gent, des vòstes aficions, des negòcis e besonhs que i a ena vòsta vila e/o comarca... Rebrembatz qu'aguesta empresa serà eth centre deth vòste trebalh ath long des següentes sessions. Escriuetz:

A qué se dedicarà era vòsta empresa?

Nom dera empresa

Indicatz es qualitats de cada un des membres, ei a dider, en qué vos consideratz milhors e en qué consideratz qu'auetz dificultats.

Escuelhetz qui serà eth gerent/a dera empresa e quin trebalh aurà cada membre, auent en compde es vòstes qualitats.

Rebrembatz qu'era vòsta empresa ei petita e qu'es trebalhs les desenvoloparatz amassa, collaborant en totes es decisions que prengatz.